


壽

84



職官五十二

宋會

要

卷一百
九十五

每卷首
前三行
格式

吳興劉氏嘉業堂鈔本

宋會要卷第一百九十四

大興徐松輯大典本

職官五十二都大提舉茶馬司

吳興劉承幹編定

職官五十二

大興徐松輯大典本

都大提舉茶馬司下

宋會要卷一百五十五

吳興劉承幹編

四年六月三日都大提舉茶事司買馬監牧司奏茶馬司幹文字
 幹當公事第一等將仕郎張察文林郎楊達將仕郎張庭玉黃瑜
 第二等登仕郎高成章將仕郎王易朝奉郎孫俞朝請郎路康國
 及逐司點檢文字第等自承朝旨後來首尾管幹催促撥發茶貨
 有勞詔第一等張察特改宣德郎楊達張庭玉黃瑜各循兩資第
 二等王易孫俞路康國各減三年磨勘高成章循資占射差遣一
 次內選人如無資可循或已官即比類推恩人吏第一第各轉一
 資如無資可轉及有違礙或不願轉資即支賜絹二十匹第二等
 各支賜十五匹第三等各賜一十匹
 七月二日照河蘭湟秦鳳路經略安撫制置使司奏奉詔處分相
 度措置馬政事尋先次指揮岷州計置收買馬一萬匹作制置司
 支用候足日奏取處分已令知岷州馮瓘措置今據馮瓘申已牒
 提舉買馬司逐急借撥名山茶貼作三萬駝支與岷州候見得的
 確數目申朝廷卻行撥還及已牒茶事司依馮瓘所申并下秦鞏

今題令。

搭

熙河岷州依所乞應副去訖一於買馬場勘會到良綱馬並係支
 一色名山茶下項良馬三等並四赤四寸以上上等見支茶二駝
 一頭中等見支茶二駝二十斤一十五兩半下等見支茶二駝二
 十斤七兩半綱馬四赤七寸見支茶一駝一頭二十六斤半四赤
 四寸見支茶一駝一頭一十九斤一十二兩四赤五寸見支茶一
 駝一頭十四斤一兩半四赤四寸見支茶一駝一頭四斤一十一
 兩四赤三寸見支茶一駝四十九斤二兩四赤二寸見支茶一駝
 三十二斤十二兩一動會日近蕃客稀少即今買馬場全然收買
 不得若不添展茶竊恐卒難收買乞候蕃客牽馬到場相驗好
 弱臨時添搭良馬權添茶三十斤綱馬權添茶二十斤相度依
 馮瓘所乞權添上件茶博馬只作添搭支馬牙人即不得礙買馬
 司權馬體例候今來數足依舊一契勘若只買良馬一萬匹約用
 名山茶三萬駝今來本州見管有三千餘駝止買得一千餘匹一
 欲將秦州廟州鋪分擘合應副秦鞏熙河州名山茶以三分中且

截撥二分赴岷州準備支用一今來茶數既多即沿路不免擁併
欲乞將秦鞏河大路權茶鋪權行差那於本州沿路地分貼鋪
及下經由縣鎮堡寨和顧人夫併工推般庶得辦集從之
十月十二日樞密院奏熙河蘭湟路經略司申熙河蘭岷鞏州舊
管蕃兵近年出入頻數死過戰馬不少雖督蕃官首領緊行收買
添填其蕃兵例各關乏兼無貨博買今相度乞將熙河蘭岷鞏州
關馬蕃兵於逐州茶場各量借茶添助收買五千匹每匹借茶一
駝共借茶五千駝仍許蕃兵將斛斛折納元價其斛斛可充茶事
司應副支給逐處茶場監官巡鋪使臣權茶鋪兵請受如有剩數
無支遣處許令別司椿錢兌糶從之
十二月三日中書省尚書省檢會元豐六年閏六月十三日條諸
出賣官茶提舉司立定中價仍隨市色增減應增者本場體訪詣
實增訖申提舉司覆按應減者申提舉司待報今立到熙河路博
馬貼賣出賣茶名色酌中價例下項博馬茶名山茶每駝七十八

五十七

貫五百三十三文瑞金茶每駝一百二十九貫四百一十三文洋
州茶每駝七十貫五百四十二文萬春茶每駝八十七貫三十六
文貼賣茶名山茶每駝八十一貫六百五十一文瑞金茶每駝一
百七十三貫三百四十八文萬春茶每駝一百七十三貫三百四
十八文洋州茶每駝一百七十三貫三百四十八文出賣食茶油
麻填茶每駝九十三貫九百九十八文洋州茶每駝八十六貫二
百三十文崇宣茶每駝八十一貫八百六十六文楊村茶每駝一
百一貫九百七十三文興元府茶每駝一百二十二貫五百七十
一文永康軍茶每駝九十八貫七百二十四文味江茶每駝九十
三貫四百一十四朔口茶每駝一百三十貫四百五十三文詔州
茶專充博馬更不出賣舊出賣數令洪中孚相度博糶斛斛
十一日中書省尚書檢會熙寧元豐川茶惟以博馬不將他用蓋
欲因羌人必用之物使之中賣不至難阻國馬不之騎兵之用竊
慮淺見官司趨一時之急陳乞別將支費有害熙豐馬政失今日

繼述之意修立下條諸川茶價博馬輒陳請乞他用者以違制論
 從之以上國朝會要
 徽宗崇寧五年二月六日戶部狀同提舉成都府等路茶事孫釐
 并奏準尚書省劄子洪中孚奏乞會茶司見在之數如未用折博
 著馬即盡將博糶斛斛所有茶價增減臨時視斛斛所有茶價增
 減臨時視斛斛多寡計定詔令釐并同共措置即不得有妨博馬
 支用契勘茶司計名山等綱茶有條專用博馬不計出賣其逐色
 茶價係茶司依條以川路產茶場元買茶本糜費等錢立定逐州
 價例比其餘雜茶例各依賤所以優潤蕃商鈎致國馬今來若依
 洪中孚陳請必恐將漕司減損茶價虧失歲課欲乞除斛斛價許
 臨時隨市勢增損外其茶依本司已定價例折博不許減損又稱
 乞用提刑司封樁加買到兩倍茶交撥與洪中孚同共措置博糶
 斛斛本部看詳欲依所乞從之
 十六日戶部奏熙河蘭岷路轉運使洪中孚等狀乞令茶司與臣

同共措置茶博糶奉詔依奏令孫釐并同共措置契勘得所管茶
 貨除可以移那般運應副博糶外今相度乞令西寧湟廓州召客
 人先將斛斛赴本處入中其價錢出給合同會子給付客人令自
 齎前來河州茶場出外變轉仍支與每駝腳錢西寧廓州比河州
 至湟州腳錢量加饒潤如本場闕錢即以茶依價添搭紐折本部
 欲依崇寧四年十二月二十八日朝旨於加置到兩倍茶內支還
 不得有妨博馬支用從之
 五月二十三日都大提舉成都府利州陝西等路茶事司提舉陝
 西等路買馬監牧司奏本司轄下見有員闕去處不少雖依本司
 條權差罷任待闕官承攝為無法與理在任月日往往不願權攝
 差委不行乞應茶馬職事員闕去處見差權官權攝月日依陝西
 轉運提刑司法與理為考任從之
 六月二十三日詔將加買兩倍茶並撥與茶馬司應副博馬支用
 更不博糶斛斛

同日樞密院奏都大提舉成都府利州陝西等路茶事司申勘會
 川茶始自熙寧七年置司推行迄今三十餘年從來計置般赴秦
 鳳熙河等路應副博馬有餘出賣元豐中立法雅州名山茶專用
 博馬俟年終馬數足方許雜賣自建中靖國元年後來為買馬數
 多名山茶數少又以興元府萬春瑞金大竹洋州四色網茶相兼
 應副博馬僅能足辦緣孫蓋扞與洪中孚同共措置茶博糴斛料
 即不得有妨博馬支用尋契勘若更將茶博糴委是有妨博馬望
 賜指揮除將已積加買兩倍四色網茶應副博糴斛料外將名
 山茶依累降指揮專充應副買馬支用餘依崇寧四年十二月十
 一日指揮同
 十一月十日提舉陝西等路買馬監牧司奏陝西路轉運司幹當
 公事官近依朝旨許存留一員其合差官幹當尋於轄下選差其
 間拘礙不許差出者不少雖有職官及司戶可差卻兼充買馬等
 同管幹本司全然差那不行欲乞將逐司管幹官并就委本州依

條不許差出官不妨本職差委幹當奉詔每州委見任官一員管
 幹除州界時暫差使外不許差出又買馬司救諸買馬及有牧地
 處委茶事司所差管幹應報本司文字不許他司差出州界契勘
 本司差定逐州運管幹官茶馬司自來依條選擇通判或職官幹
 當今若止於不得差出官內就委竊慮合差官有限艱得可以倚
 辦之人兼錄事司理司法體輕緩急難以集事今來陝西牧馬地
 撥隸馬司所總錢斛不少全藉管幹官往來點檢兼茶司地方闊
 遠職司不一今欲乞將逐州軍茶馬司管幹官許令本司依舊選
 差從之同
 十二月六日詔神考修立馬政於川陝市茶博馬及以茶息應副
 邊計行之甚久已見成效其屬官等全藉能吏幹集故舊制盡從
 逐司奏舉近緣臣僚陳請復行差注除馬司屬官并買馬官已復
 奏舉外其茶司元豐年應奏舉并同轉運司選差員闕並依元豐
 舊法施行同

大觀元年正月十九日尚書省言熙河蘭湟路都轉運使洪中孚
奏蕃地許官以茶絲博買募人種佃以諸司并折博務見在絲兩
路通融應副外不足許本司約數奏聞從朝廷降其茶並令茶事
司應副取足奉詔依奏其茶於兩倍茶內支撥應副仍具合用數
奏聞契勘今來若許令熙河蘭湟轉運司取撥茶貨博買蕃地不
唯違戾已降指揮兼壞敗本司成法蕃部以馬易茶元非本意必
恐因此隳壞馬政伏望遵依已得指揮應係茶專充博馬不得他
用從之
二月三日同管幹成都府利州陝西等路茶事兼提舉陝西成都
府等路茶馬司屬官六員參分中減罷一分止支與合入資序請
給等已依朝旨裁減外械檢會茶司令諸提舉官所請係省給請
給歲給以息錢計還轉運司令節文幹當公事官指使添給並以
本司雜收錢給如不足即以茶司頭子錢充勘會茶馬兩司屬官
並係熙寧元豐年差置即非後來緣事叔添兼逐員添給並於本

馬監牧公事
昨准朝旨
提舉陝西

司雜收茶息錢等內支給即無侵耗轉運司歲計財用除裁減外
見存員數轉定兩川及沿邊以來分頭催促應副秦鳳熙河等路
博馬綱茶及買戰騎委是緊切事務乞將茶馬兩司減定屬官許
依本司元豐舊法支破請給內馬司屬官並依茶司屬條法本司
管認撥還詔依三月二十四日龐寅孫又奏伏見元豐立法川茶
博馬有剩並許出賣除名山茶外有萬春瑞金大竹洋州茶自來
措置招誘買馬許中馬蕃部依合得馬價對買外更許貼買四色
綱茶一馳近承朝旨川茶專用博馬即未有許對賣貼賣明文欲
望除名山茶外將萬春等四色綱茶並依舊例從本司約度蕃馬
中賣并貼賣對賣與中馬蕃商餘依元豐舊法施行從之
九月十三日戶部狀都大提舉成都府等路權茶司狀檢準敕諸
都大管幹成都府等路茶事兼買馬公事支賜添支依諸路提點
刑獄官則例支破本部看詳本司大觀令內已有立定提舉官請
給都大提舉依轉運副使添支依陝西例同提舉依提點刑獄同

管幹依轉運判官今勘當添支自合依本司令文施行其支賜都
大提舉欲依支賜令內陝西轉運副使例同提舉依諸路提刑例
同管幹依諸路轉運判官例支賜從之
十一月二十六日提舉陝西等路買馬監牧公事孫鼐抃奏契勘
自崇寧四年六月後來承熙河蘭湟路制置司牒準御前前處分
收買良馬所買數並足係本司官吏協力措置應副茶帛催督收
市今來除臣不敢僥求息賞外本司官吏乞依崇寧五年十二月
九日例推恩詔孫鼐抃特與轉行一官餘依奏
二年三月二十七日都大提舉權茶司狀名山茶準條專用博馬
近年額外汎拋馬數浩瀚本司逐擊畫將自來出賣萬春等四色
綱茶相兼支折方能充足緣博馬茶條不理年額不住據諸場申
陳稱自將博馬後求來賣茶年額例各虧失本司今相度除名山
茶準條專充博馬不理年額外欲將萬春等四色綱茶與理為茶
場歲額不預推賞之數仍自大觀元年為始從之

十月七日詔川茶有數品惟雅州名山茶為羌人貴重可令熙河
蘭湟路以名山茶易馬恪遵神考之訓不得他用餘茶博糴量度
茶數勿使過多可委陳敦禮措置聞奏
二十三日熙河蘭湟秦鳳路宣撫使童貫奏奉詔國馬所賴非輕
比間馬數出少川茶價低其弊安在可體訪目今因依講究悠久
利害可以救正之方臣講究得川茶如初權買般赴秦鳳熙河等
路應副博馬係以元買本錢添搭脚稅隨市增減價例不定其熙
豐間馬賤茶價亦賤即今馬貴茶價隨市亦貴近年以來諸場買
馬比熙豐間雖逐等量有增添茶數緣元降指揮每歲買馬以一
萬五千匹為額今來係以二萬匹為額除添五千匹外逐時又有
泛拋足數甚多若不量行添搭深慮無以招誘蕃客收買伏望且
依目今收買又稱元豐四年郭茂恂奏請以茶充折外其餘數支
見錢物帛增立年額為二萬匹比舊額常買不足詔且依見今斤
馱收買

三年八月二十五日詔茶馬司餘剩錢物支撥與陳敦復充熙
河路糴買糧草
四年五月七日詔熙河秦鳳等路茶馬事應今日以前泛拋買馬
添茶給引博馬等指揮並罷一切遵依元豐法仍令提舉茶事司
措置施行
十一月二十五日詔秦州場見封椿結罷宣撫司布二萬疋可盡
數撥赴提舉川陝茶馬司支用疾速行下
政和元年二月十一日戶部狀提舉陝西等路買馬監牧司狀今
來若今買馬司依舊博買蕃蠻物貨移用相兼買馬委是元豐舊
舊法尋關駕部勘當欲依元豐年朝旨放行看詳提舉黎雅州博
易司稱黎雅州峒熙寧年即不曾置博易始自崇寧元年置場楊
熙寧博易至五年正月二十八日朝旨住罷本部今勘當欲依所
乞住罷崇寧年所置黎雅州博易場並依買馬司檢具元豐舊法
施行從之

起
七月九日樞密院奏尚書兵部申準政和元年正月二十四日聖
旨川陝茶馬司自昨降處分罷添給引博馬及住泛拋買馬悉依
元豐法後來自八月至年終計買馬八千餘疋赴關仍用茶數少
減省錢緡八十餘萬所有兩司官吏奉法勤恪協濟事功可取索
當職人姓名分定等第取旨推恩本部勘會兩司當職官吏職位
姓名今據買馬司申勘會到今年正月至二月十日終又買過馬
二千五百八十二匹上京減省茶計銅錢二十六萬九千餘貫乞
施行提舉官張翬李稷特各與轉一官管幹文字第一等陳損王
易特與減三年磨勘內王易特與循一資仍占射差遣一次第二
等魏允中高世祚彭蟻許廡特各與減二年磨勘第三等魏趨王
運特各與減一年磨勘吏人第一等特各支賜絹一十五匹第二
等特各支賜絹十疋第三等特各支賜絹五疋詔依逐項指揮內
使臣減年磨勘仍依四年法比折
十月二日戶部言提舉陝西等路買馬監牧公事李稷奏勘會陝

西買馬以茶斤重立定價例舊法上等良馬最貴不過一馱一頭
比因泛拋數多增添茶數及倍昨蒙依元豐舊法其馬價比泛拋
頗減茶數蕃商故生邀勒尚未肯多將馬出漢竊緣戎人不可關
茶欲乞將熙河秦鳳路諸場四色網茶權住出賣每蕃部中馬一
匹除依條支還馬價外如願買茶者仍許依見賣價收買四色網
茶一馱引領門戶買一頭俟三二年間馬來往通快即依舊例施
行從之峒

二年六月二十五日權發遣提舉成都府利州陝西等路茶事兼
提舉陝西等路買馬監牧公事張翬劄子契勘洋州茶場歲買茶
貨浩瀚其品搭催督般發茶貨盡繫西鄉知縣欲乞依名山知縣
例許本司舉辟比監官減半酬獎從之峒

三年七月二十七日都大提舉成都府熙河蘭湟秦鳳等路權茶
司幹當公事何漸奏契勘雅州名山網茶專用博馬山南四色網
茶通賣漢蕃自大觀四年後來依元豐法減茶買馬歲常有償剩

之數又為減茶之初蕃商中馬未致通快本司措置權住買四色
網茶立賣與中馬蕃商其名山茶除博馬外不許他用是致川陝
諸場庫各有償積下茶萬數不少且以興州長舉縣等兩庫見管
名山茶已及五萬餘馱竊慮所買既多所用有限不免陳積今相
度欲乞將名山茶依條專用博如有剩數許中馬人依見買四色
茶體例用市價支賣卻將四色茶依舊出賣收息勘會除償剩名
山茶已降指揮添博收馬外契勘四色網茶貼賣與中馬蕃部等
昨指揮俟三二年買馬通快依舊今來將及二年詔每年將四色
網茶並專充博糴漢蕃斛封精不得別將支用仍逐旋具糴到
斛封數目申尚書省峒

八月十三日朝請郎直龍圖閣權發遣都大提舉成都府利州陝
西等路茶事兼提舉陝西等路買馬監牧公事張翬劄子準御前
劄子臣僚上言同何漸劄子今相度措置可否利害保明聞奏今
檢具前後手詔敕令及依應相度措置到下一項一準元豐四年七

月十八日中書劄子奉詔雅州名山茶專用博馬俟年額馬數足
 方許雜賣一準馬司格應熙秦岷階州通遠軍各依逐等所定茶
 馱數以新茶支折謂如四年見在茶之數三年四月新茶如蕃新部願
 要銀細絹洋州茶大竹茶之類並許各依見賣實直價例筭請更
 不限定分數一準崇寧四年十二月十二日奉聖旨諸川茶非博
 馬輒陳請乞他用者以違制論一準崇寧五年六月二十四日聖
 旨應係茶並專充博馬支用餘依崇寧四年十二月十一日朝旨
 施行一準大觀元年三月二十五日敕中書省尚書省送到龐寅
 孫劄子奉聖旨依所申他司不得侵用一準大觀四年正月七日
 樞密院劄子三省樞密院同奉聖旨熙河秦鳳等路茶馬事應今
 日以前泛拋買馬添茶給引博馬等指揮並罷一切遵依元豐舊
 法仍令提舉茶事司措置施行一準大觀權茶司令節文諸名山
 依舊精留博馬外如買馬司關博馬數多闕支用委提舉司即時
 應副有剩從本司相度貼賣與中馬人又準敕諸名山茶博馬外

六十四

剩數非中馬人輒支賣者杖一百一準政和元年十月二日敕中
 書省尚書省送到戶部狀準都省劄子奉聖旨提舉陝西等路買
 馬監牧公事李稷奏奉聖旨依一臣契勘名山茶自熙寧權茶之
 初本以博馬至元豐四年計其馬足積羨聽以出賣實為通法繼
 復有并用大竹洋州茶博馬之議建中靖國年始有許將名山茶
 餘數止對賣與蕃商之論大觀中又有權住賣四色綱茶令對賣
 門戶蕃商之請然臣攷利害之實元豐之制最為要準而後人之
 請或趨一時之利不可為典要或川秦首尾相戾不達利害之實
 姑以職事陳請而已蓋除馬司博馬外茶司自有歲額必待售茶
 而辦其四色綱茶實為茶額根本秦熙兩路漢民所售食茶不多
 而淺蕃熟戶並煎四色綱茶遠蕃多嗜名山茶間有姦商說用綱
 茶麤硬食茶罔之者亦能區別若將名山四色綱茶一切禁之不
 賣必致茶額不敷出茶無藝顯難屬饜而害馬政惟斟酌非實馬
 足茶羨則貨之者是通法也其對賣尤非利害徒益門戶蕃人乃

六十五

熟戶蕃旅之為駟會者與官場吏卒乘便為憑贏取官息其利不
及生蕃於馬未始加益若將名山茶四色綱茶依元豐舊制從本
司參量合用博馬茶外剩數轉易回本入川惟不得害馬政妨茶
額元豐時雖曰兩司而提舉官一以任貴苟其才下亦能約量不
致乖戾自取譴責今相度欲乞應名山茶四色綱茶專用博馬餘
數聽本司量度轉易回本入川不許輒將他用臣契勘昭化順政
長舉庫積茶以今年五月中旬狀攷之僅有五萬九千四百馱蓋
昨緣大觀四年前利州路凶歉至今居民事力未能如舊故其昔
日甲頭脚戶流莩之餘存者通負夥甚顧召不行臣比欲草具建
明乞將興元府至永興軍一帶減下舊額茶鋪兵士七百餘人並
聽本司於洋州至興元府添立鋪其餘添隸長舉至秦州諸鋪運
茶則永遠不致積壓其廩給自係本司錢內支給一切不預別司
調度又應川界轉般茶諸邑今辟舉有經三年礙吏部格雖辟書
數上終無一人得注授者攝承之吏玩習歲月寢以隳弛又臣嘗

建議乞應本司辟官乞破格差注一次已蒙朝廷聽行而吏部終
以合注承務郎以上者不許降用選人今五年竟未有差注臣
又嘗建議乞將發茶場庫監官縣令如成都府排岸司興州長舉
縣裝卸庫興元府西縣轉般庫監官綿州巴西利州昭化三泉興
州順政長舉興元府南鄭西縣知縣計十處每撥發茶及四萬馱
無闕失與減二年磨勘以其諸縣如長舉昭化之類多是僻小去
處既難得人肯就及專任茶司事務而有責無賞誠非勸沮之道
至今未奉指揮積是三年茶或滯留而通之可久無弊臣今相度
欲乞應興元府至永興軍一帶減下舊額茶鋪兵士七百人並令
權茶司措置於洋州至興元府西縣添置茶鋪各請兵級人數外
將其餘數分添入長舉縣乾渠鋪至秦州赤谷鋪並依茶司自來
例施行應熙秦州路權口司所辟官承務郎以上選人大小使臣
並許互換通舉謂如承務郎以上知縣處亦許奏舉選人知縣處
亦許奉舉承務郎以上不以有無拘礙並行注差應撥川茶路地

牧
駑
收。

分成都府排岸司興州長舉縣裝卸庫興元府西縣轉般庫監官
綿州巴西縣利州昭化三泉興川順政長舉興元府南鄭西縣知
今每撥茶及四萬馱無違闕與減二年磨勘貼黃稱契勘臣僚上
言償積茶五萬餘馱約計每馱二百七十三貫文省係鐵錢舊價
緣自今年奉行夾錫錢寶後來每馱一百貫文省以見茶數約計
錢五百九十餘貫文又稱契勘吏部及八路差官法無本等人亦
聽破格差注檢會下項一政和三年七月三日敕權茶司狀朝旨
令買馬司每年添買二萬匹合用茶令計置茶本從朝廷應副取
到狀自減茶博馬後每年約償剩茶一萬四千餘馱內利州昭化
庫見在名山茶四萬二千一百六十五馱興州長舉庫見在名山
茶八千六百一馱其餘場庫未在其數奉聖旨據今來合添買收
馬二萬匹所用茶於償剩名山茶內支撥應副博馬仍令權茶司
今後每年寬剩計置茶一萬馱盡數充添買牧馬之用其合用茶
價仰具數申尚書省所有歲額博馬茶如有剩數亦仰哀同應副

添買牧馬之用一政和三年七月二十八日敕何漸劄子乞將名
山茶依條專用博馬如有剩數許中馬人依見買四色茶體例用
市價支賣卻將四色茶依舊出賣收息契勘四色網茶貼賣與中
馬蕃部等昨降指揮俟三二年買馬通快依舊今來將及二年奉
聖旨每年將四色網茶並專充博釋漢蕃斛封椿不得別將支
用仍逐旋具糴到斛數目申尚書省一政和三年六月七日敕
戶部狀權茶司申乞立定成都府排岸司興州長舉縣裝卸庫鳳
州轉般庫綿州巴西縣利州昭化三泉興州順政長舉縣興元府
南鄭西縣任滿收發過茶無失陷欺弊提舉司保明每四萬馱與
減磨勘二年如不獲抄附失陷一萬馱展磨勘二年其承直郎已
下賞罰並各比類施行二分以上依差替人例本部看詳本司申
乞即係累賞竊恐太重今勘當欲依巡轄般茶鋪使臣任滿去減
磨勘一年先次指揮射家便差遣餘並依本司所申事理施行詔
除名山茶博馬四色網茶博釋并撥發官等賞罰並依近降指揮

外其措置鋪兵依奏餘不行
五年五月七日詔茶事司循法舊制特許辟官訪聞比來不顧公
議多引四川土人今後辟官不許奏辟土人已辟官並罷仍著為
令違者奏舉官并被舉人並降名
六年二月十九日樞密院言同管句成都陝西等路茶馬監牧公
事程唐奏勸會本司遵奉聖旨依元豐舊法減茶買馬臣到任措
置陝西買獲馬四萬五千二十一疋收稅息錢四百八十三萬五
千餘貫契勘陝西自承朝旨復行錫錢物價已平是致鬻茶通快
今且以熙秦路共收到稅息四百七十萬三千四百餘貫比類增
美委是本司官吏協力粗有成效乞等第推恩詔程唐除直秘閣
外餘分優等及第一第二第三等優等轉一官選人循兩資第一
等減三年磨勘選人循一資占射差遣第二等減二年磨勘疑有
闕文今檢未獲人吏支賜絹優等二十四匹第一等十五匹第二
等一十匹第三等五匹

七年三月十五日詔管句川陝茶事程應副陝西運司年額有勞
可特除右文殿修撰其合用收買四色綱茶本仰尚書省每歲給
降度牒三百道付程唐自政和六年下半年為始
四年二月十五日提舉成都府等路茶事郭思奏政和五年分川陝
收到茶息錢三百七十一萬一千一百七十二貫其支用外見在
一十一萬一千九十八貫七百五十二貫其支用外見在
尚書省外別有三十五貫糴到斛斛為秦州本司取會未足附次
年帳供申詔郭思賜紫章服
宣和三年四月二十四日朝奉大夫何漸奏臣竊惟川陝權茶之
法本以市駿實邊使茶無滯貨則馬來數多邊備充足臣頃承乏
使事措置顧發沿路積滯茶馱悉至邊場頗見其利比宣和元年
茶司奏計在臣替罷數年之後提舉官程唐具奏尚稱用臣計置
茶貨博馬減省錢緡此有以見顧發之利其博如此今任適當川
陝茶馬之衝伏見利州昭化興州順政長舉三縣顧發最為衝要

累年縣令悉係權攝深恐檢察不專復有積壓之患臣愚欲望慈
特加訓敕應顧發地分闕官令茶司遵依元豐成憲以時選舉庶
幾得人任職利源增廣吏部供到川陝權茶顧發地分知縣見今
依元豐法權茶司與本路轉運司同共選差永康軍青城知縣蜀
州永康知縣雅州名山知縣漢州德陽知縣利州昭化知縣見闕
漢州雒縣知縣邛州依政知縣利字綿谷縣令興州順政縣令見
闕興州長舉縣令詔依元豐法
八月十二日何漸又奏竊惟神宗皇帝肇建茶馬兩司吏員多寡
稱事繁簡後來因事增員不無冗濫乞應添置員闕悉遵熙豐成
憲從之
十一月十二日吏部奏檢會提舉成都府等路茶馬兼買馬監牧
公事宇文常狀準敕升充提舉即不帶都大及同字所有序官限
指揮勘會宇文常係同管句茶事準敕升作提舉其權茶司令文
內即無立定提舉茶事序位之文本部今勘會欲將宇文常序位

司茶監茶司

在陝西熙河蘭鄜路轉運副使諸路轉運使之下諸路轉運副使
提刑之上今年四月四日詔依吏部申勘會張有極元受敕內亦
不帶都大及同字與提舉宇文常事躡一般所有序官未審合與
不合依宇文常已得指揮詔依宇文常所得指揮施行今後準此
十二月十八日詔川陝買馬萬匹提舉茶馬司郭思張有極及官
屬等升職進官有差
四年四月十一日樞密院奏勘會提舉陝西等路買馬監牧司茶
承聖訓遵依元豐成法減茶買馬宣和二年八月至三年十月買
獲馬二萬二千八百三十四匹計減省錢二百八十五萬六千五
百餘貫有畸今具秦川兩司合推賞官吏職位姓名下項提舉官
郭思張翬宇文常何漸內張翬宇文常各特與轉一官宇文常轉
行郭思何漸所歷月日不多更不推恩屬官優等管幹文字夏思
忠幹當公事馬冲各減三年磨勘進義副尉張侂減一年半磨勘

第一等管幹文字李伸道幹當公事趙子游劉徽韓洪各減一年
半磨勘第二等管幹文字程敦臨幹當公事范洪張錢劉子明各
減二年磨勘第三等幹當公事万俟詠李與同各減二年半磨勘
本司人吏優等減二年磨勘候出職日收使第一等各支賜絹八
疋第二等各支賜絹六疋第三等各支賜絹五疋詔特依逐項指
揮內磨勘年限不同人依四年法比折選人依條施行
五年十二月十五日樞密院奏勘會提舉陝西等路買馬監牧司
恭依聖訓遵守元豐成法減茶買馬宣和四年九月至宣和五年
九月買到二萬一千九百四十疋減省錢三百二萬六千五百六
十貫文今具秦川兩司合推賞官吏職位姓名下項提舉官何漸
韓昭各特與轉一官屬官優等管幹文字晁公邁幹當公事范洪
各減三年磨勘第一等管幹文字劉徽侯麓幹當公事何掄各減
二年半磨勘第二等管幹文字程敦臨幹當公事張錢各減二年
磨勘第三等幹當公事王城減二年半磨勘人吏優等各支賜絹

十疋第一等各支賜絹八疋第二等各支賜絹六疋第三等各支
賜絹五疋詔特依逐項指揮內選人令吏部依條施行
六年八月十九日都大管幹成都府等路茶事王蕃狀伏見前提
舉官何漸昨具奏為闕官逐急擇人權攝欲乞將本司熙豐以來
不拘常制許辟員闕依元豐舊法不得並差川人及依近降指揮
不得奏差知州外餘並許臣踏逐選擇公廉練達之人不拘常制
指名奏差奉御筆依所奉許辟一次後來何漸除奏外見餘未曾
奏辟去處欲乞依已降御筆指揮許蕃依何漸申請不拘常制指
名奏辟一次從之
七年五月二日詔茶馬司辟官並依元豐法
十月三日吏部奏權提舉成都府等路茶馬公事韓昭奏契勘本
司稟闕遵奉元豐成法合從本司不依常制奏差今踏逐到宣教
郎王滋乞差通判興元府承事郎安邠乞差充都大提舉權茶司
白當公事忠翊郎王義夫乞差充階州買馬監押勘會王滋前任

清州司戶曹事三考得替磨勘改官合入初任知縣資序其興元
府通判依熙寧格係注通判人即不係應入窠闕兼有礙元豐令
雖不拘常制不得奏差茶馬司句當公事雖許本州司奏差緣提
舉茶馬係二員依政和令連城書或一就奏舉今來韓昭獨御奏
差礙前條法階州兵馬監押係提舉陝西等路買馬監牧司闕今
來本官稱本司窠闕合從本司不依常制奏辟緣即無許舉買馬
監押之文兼王義夫不應材武見係監當資序依條不許舉辟詔
令吏部行下

欽宗靖康元年五月十五日詔川陝所起歲額綱馬全藉茶貨博
買訪聞自近年以來買馬司不切用心預行措置椿備及將茶貨
等輒以他用是致收買馬不能敷額緣此積年闕馬數多雖已降
處分不得以茶及本息錢博買珠玉等并收羨餘尚慮不為遵奉
巧倖侵欺轉易他用可令本司今後將合博易茶貨等預行椿備
不得轉易他用專充買馬仍令買馬路分走馬承受每年取索所

得茶貨等子細驅磨支使有無侵欺轉易他用若有違戾其買馬
司應干當職官吏並以違制論以上續會要

高宗紹興四年七月二十九日熙河蘭廓路經略統制熙秦兩路
軍馬關師古言本軍所管戰馬不多乞支撥川茶於洮岷州界博
換應副使用詔令宣撫司支茶博馬亦令本司別作相度多方應
副

五年十月四日樞密院言已降指揮於永康軍威茂州置場以茶
博馬并文州等處買馬其當職官如博買到馬數多乞與推賞詔
每歲各博買到四尺三寸以上堪披帶馬每一千匹與轉一官如
買到出格堪好馬更優異推恩仍令宣撫副使邵溥同提舉買馬
官趙開措置疾速廣行博買及於宣撫司選差諳曉馬事屬官一
員專一在諸州軍催促博買候見就緒亦當推恩

七年閏十月二十七日宰臣趙鼎言得旨復置茶馬官舊有主管
茶馬同提舉茶馬都大提舉茶馬凡三等上曰此猶轉運使副判

官之比也若擇人當考其資歷命之茶本以博馬而近來猶聞博
珠玉及紅髮之類珠玉今日固無用紅髮特為馬之飾而已亦何
所用須一切禁止

十三年八月三日詔敘州通判依崇寧三年指揮許行辟差才幹
官管當買馬職事從都大提舉茶馬所請也

十月三日都大主管成都府利州熙河蘭鞏秦鳳等路茶事兼提

舉陝西等路買馬監牧公事賈思誠言茶馬司措置般運茶貨博

買西馬所有茶事通判縣令合同場監官及買馬都監全藉有材

幹官究心職事迺能辦集自軍興後其轉運司多不照應條法卻

將本司合專辟并同共奏差窠闕更不選擇人材止以名次高下

一例出闕注擬多致非材曠廢職事乞下逐路轉運司遵依敕條

施行吏部勘當欲將洋州西鄉知縣興州通判長舉順政知縣階

州都監興元府監稅兼合同場官並令本司依敕條辟差施行從

之

十四年二月十一日都大提舉茶馬司言諸買馬司幹辦公事官

任滿催督諸場買馬歲額數辦提舉司保明與減二年磨勘不及

八分展二年磨勘契勘川路歲額黎州三千匹文州一千匹敘州

八百五十匹長寧軍三百九十五匹內敘州長寧軍並係羈縻遠

人除敘州及額外其長寧軍累年不敷歲額所屬官合得酬賞保

明未得欲乞許令本路將諸處通計若數及歲額即依保明推賞

詔許權黎文敘州三處溢額馬數通計推恩仍戒約長寧軍不得

因而廢弛

十六年四月二十七日御史中丞何若言四川茶馬司逐年起發

馬數差人管押赴行在交納緣所差牽押兵士別無交替道路遙

遠經步月日人力既自疲乏加之在路草料間有不時其馬多至

死損甚者十之四五牽押兵士恐坐罪責往往遁逃況馬綱所至

州縣懼怕羸馬在界倒死卻乃支折價錢遣促起離人雖受錢馬

不得食適以為害欲乞將四川茶馬司綱馬走行在交納者並依

廣西路已得指揮自起發州軍差使臣將校等外其牽押兵士逐
州軍交替遇有起發綱馬預行闕牒前路州縣仍乞申救提舉綱
馬及檢官司嚴行督察所屬州縣遇綱馬到驛即時支給本色草
料並不得折支價錢其合差承替牽押兵士去處前期差定如敢
違戾重作施行如此則人不致於涉遠逃亡馬不至於闕食倒斃
詔令四川茶馬司參照已降指揮措置申樞密院
十八年七月一日詔南平軍買馬每歲權以三百匹為額俟及三
年取酌中之數立定歲額令茶馬司比類諸場條格賞罰施行從
兵部所請也
八月十六日都大主管成都府利州等路茶事兼提舉四川等路
買馬監牧公事韓球言川路諸場買馬內南平軍所買到並係出
格良馬堪充披帶昨點檢得本軍遞年買馬比元初措置年分並
各虧少緣本軍僻在一隅難以檢察照得敘州年額買馬專委知
通主管內通判從本司依文州條例奏舉其本州所買馬十無一

二堪充起綱今相度欲將敘州通判員闕充易南平軍通判從本
司依條奏舉其敘州通判員闕依舊歸還轉運司使闕從之
十一月二十四日韓球又言買馬州軍官員諸色人違法與蕃蠻
衷私博馬本司已立賞出榜禁止訪聞尚有窮乏之人不顧條法
却販茶綿等前去買馬附近沿邊州軍誘引蕃蠻將馬前來中
賣如威茂州後蕃係接連熙河亦嘗有蕃蠻將馬前來與諸色人
博易不唯寢久有壞馬政兼恐引惹踏開生路於邊防不便欲望
將本司見管巡捉私茶使臣并買馬州軍管下巡尉許令巡捉諸
色人私與蕃蠻博馬內有透漏去處以匹數比附透漏私茶條法
斷罪施行從之
二十年十一月一日詔都大提舉四州茶馬司幹辦公事官一員
依舊於遂寧府置司從本路諸司請也
二十二年二月十一日詔四川都大提舉茶馬司起發綱馬所差
管押使臣往往不識馬性飲餒失時致損斃數多虛費財計可令

衣疑依。

吳璘楊政每綱選差慣熟有心力諳曉養馬使臣二人將校一名醫獸一名兵士二人添破本等驛券錢米專充管押其牽馬人兵令茶馬司依例差撥賞罰見行條例

二十三年五月一日樞密院言茶馬司差使臣等押到馬綱內有瘡疥瘦瘠馬數依近降指揮更不推恩若本綱馬內有瘡疥瘦瘠依寄留倒斃馬數除豁及依得見行條法不礙推賞詔衣舊格推賞施行

二十五年三月十四日詔西和州宕昌買馬自來用茶博買緣客人艱於般運卻將茶於私下博絹前去可令茶馬司措置自後兼用茶絹聽客人從便博買

二十六年六月三日利州西路安撫使御前諸軍都統制吳璘言宕昌馬場年額買到馬十分為率內撥二分應副支使其茶馬司自紹興二十一年至二十五年分應副二分馬共三千六百餘匹未曾支撥緣璘見管入隊馬七千餘匹皆齒歲過大若三五年之

五

七十三

劫

間盡不堪乘騎不惟虧損馬額亦恐緩急有妨使喚乞下茶馬司將紹興二十六年合撥二分馬依元降指揮早賜支撥所有拖欠以前年分未撥馬數恐難一併支撥欲乞作五年帶發支赴本司所貴緩急不致闕事詔令茶馬司將二十六年已後合撥二分馬依已降指揮應副不得拖欠其積下馬逐旋收買補發

十二月十二日樞密院言黎文敘州長寧軍南平軍等處互市買馬以銀絹錦絲折博近年茶馬官韓球等或拘收正色銀絹輒將他用卻以積欠物數兌博馬致欠少客人馬價或大估銀絹價充數或先給關子銀絹後時方到及諸州知通買馬官不法又借那支用或巧作從物等或賤買所博馬銀絹關子以致蕃客不肯將馬出賣詔令茶馬司將博馬銀絹等並預期排辦即不得依前大估價錢及擅將他用留滯客人如諸州有違戾去處按劾聞奏仍令四川制置司常切覺察

同日樞密院言茶馬司所差廂禁軍牽馬近年分差不公如潼川

要

二十日

府夔州路轄下州軍廂兵不足科僚人錢引卻於附近州軍越數
科差前期追集雜役馬務官吏雪令於秋冬間打生草餵馬卻收
所破草料入已人疲馬瘠以故起綱多有倒損之數詔令茶馬司
今後遇起馬日依數差撥即不得前期科差雜役其偷盜草料官
吏令本司常切覺察如有違戾按劾聞奏上
二十七年二月十一日樞密院言茶馬司歲額收買西馬西和州
三千六百餘匹除二分七百二十匹應副四川制置司外餘數并
階州五百匹循環撥付殿前馬步軍司詔令茶馬司於西和州階
州歲額外更措置增添博買先具每歲添買數目申樞密院
三十二年五月四日總領四川財賦軍馬錢糧專一報發御前軍
馬文字兼權提舉秦司買馬監牧公事王之望言承成都府都大
提舉茶馬司牒分撥利州以東至陝西州軍并興元府洋興州等
處權茶買馬職事照得被受前項指揮止是兼權提舉秦司買馬
監牧公事所有茶事未曾承準指揮未審今來如何繫階詔依見

今川司提舉王弗繫階帶茶馬職事以上中興會
孝宗隆興元年四月七日四川安撫制置都大提舉茶馬成都府
路提舉轉運司舉黎州額買馬三千匹全藉知通同共措置通判
闕元係茶馬司奏辟昨緣一時申請併歸銓選憑不得人難以責
辦乞從茶馬司依舊法選官奏辟吏部勘當欲依逐司所乞從之
上
乾道元年二月十四日四川茶馬陳弥作奏臣契勘本司舊管幹
辦公事三員準備差使二員緣近降指揮止存幹辦公事二員竊
恐本司管四路事跡地遠全藉屬官分責與他司事跡不同欲乞
復置幹辦公事一員仍乞許臣選才辟差免致闕悞從之
同日又奏馬政為今日要務比年官屬曠職寢成墮壞欲乞將茶
馬司元辟差闕依祖宗舊法內除守臣係朝年選授如有貪懦不
職按劾以聞其餘許從本司辟置或已在任待闕人亦許臣銓量
庶幾人知勸沮悉皆激厲詔買馬州軍通判今茶馬司依舊法奏

朝疑誤
計臣疑有誤

辟

七月八日四川宣撫使吳璘奏準樞密院乾道二年四月五日劄
 子提舉四川茶馬陳彌作奏本司買馬係川秦兩司文黎玳故南
 平長寧軍六州軍年額川馬五千六百九十六匹係應副江上諸
 軍階之峯貼峽西和之宕昌兩處年額共買馬四千一百五十五匹
 係輪年應副三衙緣秦司去本司二千餘里專委本司屬官前去
 措置收買自八月開場以來只買過馬二十八綱近據屬官趙永
 申自十月十五日以後將及一月無匹馬到場續得宕昌買馬官
 王德俊申準宣撫司分委屯駐將官收買進馬不限數目竊見宕
 昌峯貼峽雖係兩處置場地里相距不遠只洮疊州一路蕃客前
 來入中自至市以來止有此數若是本司與宣撫司爭買不惟蕃
 客觀望重有所激又兩司各不相照致有私販實為未便欲乞將
 秦司馬併於宣司買發本司依年例應副茶帛庶幾事權歸一其
 濟國事照依臣今契勘宣撫司自隆興元年被旨收買進馬節次

要

七十五

在疑任。

次發過馬四千匹並係續賦任內兩司各無相妨自陳彌作到任
 本司又得旨買發進馬五百匹每匹價錢止是二百餘貫茶馬司
 價錢致馬來少今却稱臣高價撥買緣臣所買進馬並係續賦任
 內自有年月可考即與陳彌作到任後買馬並無相干兼照祖宗
 成法專置茶馬司措置買馬他司不得干預況宣撫司事務繁冗
 難以更與茶馬司在買馬之責乞下茶馬司遵守成法從之
 九月一日吏部狀準都省批下四川茶馬司奏檢察買馬非祖宗
 舊制緣本司一時添置初無毫髮之補月費俸給三百餘千占役
 吏卒四十餘人無以支給不免侵移博馬錢帛致失欠蕃蠻馬價
 為害非輕欲乞依法省罷所有買馬職事乞依舊法令知通監押
 協力任責從之
 十月三十日戶部狀準都省批下四川茶馬契勘階州知通係堂
 除非本部關準乾道元年指揮買馬州軍通判許令茶馬司依舊
 法奏辟從之

要

七十五

時疑特。

十四日四川宣撫使司奏據茶馬司申川秦二司元管屬官八員
 因併秦司歸川司裁減三員後來又減罷川司兩員見存三員各
 分一員專一主管成都興元遂寧府簽廳今於鳳州河池縣置司
 所有簿書倉庫儲積之類必藉屬官管幹欲乞於減罷秦司屬官
 三員內再行辟置秦司幹辦公事兩員一管幹宕昌買馬事務一
 管幹河池縣秦司簽廳今本司於京官內踏逐諳曉事馬之人奏
 辟乞賜數契勘未軍興以前陝西岷階州并川路歲額買馬共八
 千七百四十六匹今每年買馬一萬九百六十六匹比之元立歲
 額委是歲多闕官分幹欲乞許令辟辦公事準備差遣各一員詔
 時許添置準備差遣一員令本司辟差同
 五年二月二日四川茶馬司奏準隆興元年續感申獲降指揮將
 諸處捉到私茶依龍安縣體例如園戶犯私茶及十斤以上其戶
 下茶園估價召人承買五分沒官五分還犯人田價竊詳申請本
 意止謂禁絕園戶不得私賣與販人虧損官課今來園戶或有批

歷違限或有歷不隨茶或有借歷批賣或有茶數與歷內不同之
 類甚多州縣一例拘沒茶園致窮民破家失業欲望特降指揮若
 不係正犯私茶只乞照應見行條法斷罪理賞免行拘沒茶園得
 旨今後茶園戶私販茶並依舊法其續感申請指揮更不施行同
 四月十四日兵部申茶馬差使臣自成都府及興元府押馬至漢
 陽軍馬監全綱至倒斃不及二分減半年磨勘倒斃至留及二分
 至不及三分展二年磨勘倒斃寄留及三分降一官資每增及一
 分更展一年磨勘餘分數準此遞展若綱內看驗得瘡疥瘦瘠合
 依寄留倒斃馬數除豁今來茶馬司所發綱馬到監寄留倒斃數
 多取旨詔今後茶馬司所發綱馬到監將寄留倒斃及四分已上
 押馬使臣并所押綱馬令趙樽差人管押赴樞密院聽候指揮同
 七年五月十二日四川茶馬司奏照對本司黎文敘州南平軍等
 處互市綱馬專用錦絲折支本司自置錦院一所盡拘織機戶就
 院居止專一織造不許在外私織昨奉朝廷下成都路轉運司織

禮物錦一千疋緣提舉官在秦司其轉運司徑行向差本司錦院
 織戶就近織造致機戶來帶私織販賣竊慮事妨馬政今後如要
 織禮物錦欲乞行下諸司將合用官錢付本司就錦場織就撥赴
 諸司起發庶可革私販免害馬政從之
 二十七日四川茶馬司奏省昌隸西和州通判係本司辟官專一
 措置買馬緣知西和州係武臣通判職事非一不容專住省昌今
 欲添差通判一員不敢創置止於本司屬官內差京朝官幹辦公
 事兼知主管省昌簽廳職事請給人從依舊非唯職任專一司申
 園戶收販茶子入蕃界已有申獲罪賞指揮近有將茶苗公然入
 蕃博賣深屬不便欲望行下并依茶子罪賞施行事送部勘本部
 檢照紹興十二年指揮園戶輒將茶子轉賣入蕃及買之者並流
 三千里不以赦降原免告捉賞錢五百貫園戶籍沒入官州縣失
 覺察并透漏當職官並徒二年科罪照得茶苗裁種不過二年便
 可採摘比茶子為害尤重今欲下刑寺審覆行下本司遵守施行

從之
 三年二月六日執政進呈陳彌作言乞免四川茶馬司積欠綱馬
 卻從日下年分催促上曰可依所陳行下自此立買賞苟或違戾
 必重作行遣評見此門茶馬
 四年三月十七日四川宣撫使虞允文奏照得祖宗朝都大提舉
 買馬官於秦州成都各置司居治各半年排撥月分居秦司訖事
 即歸川司措置發茶并買馬監申之類今欲依倣舊制於鳳州河
 池縣置秦司既近省昌買馬之弊可以稽察又措置收養最為便
 利從之
 同日四川宣撫使虞允文言都大茶馬司應副三衙歲額馬共三
 千五百五十五匹累年常是拖欠一千匹上下自張松到任於去
 年八月開場至今年正月終買發數足望於松職名上特加升進
 以為方來之勸詔特與轉一官
 五月十五日四川茶馬司奏檢準令節文文州買馬通判奏舉知

縣以上資序人又準隆興元年本司奏乞將文州通判從本司奏
辟吏部行下令同本路提刑轉運司審度連書保奏今逐司奏文
州買馬係興化外蕃交易全藉通判措置招誘舊係茶馬司奏差
後緣一時申請今本路運司銓注竊慮不得其人難以責辦職事
若從茶馬司依舊選官奏差委是經久利便吏部再勘當依逐司
審度到事理施行從之
七月十二日茶馬司奏川秦馬司互市之地惟西和階州並是西
馬比諸州為最上歲管四千二百七十疋應副三衙并四川宣撫
使司本司津致茶帛應副博買歲費壹百餘萬全藉所屬州郡禁
戰私販招誘蕃商協力趨辦今文黎等六州軍知通並帶主管買
馬事西河階州舊法止是提舉買馬並不帶主管買馬事兼兩州
通判未係本司奏辟馬之增損既無賞罰全不介意照得宕昌等
處即非無馬止緣知通不識縱容盜販減尅茶帛若不控告朝廷
無緣革弊欲乞將西和階州通判依乾道元年指揮從本司奏辟

仍一依文黎等州知通專一主管買馬事賞典亦比類文黎州見
行條法如買馬不及九分已上展磨勘三年知通並令赴本司批
書候馬額足日放行庶幾州郡有所懲勸不致有悞馬政批送兵
吏部勘會申奏兵部契勘岷州買馬自來係專委都監其知通止
是提舉今令知通專一主管買馬不須更差都監庶事權歸一吏
部兼通判可以督責本州界內蕃兵防護馬客及措置應辦草料
禁止私販委為利便乞從本司選辟諳曉馬政之人若買馬充額
除依關外四州合得邊賞外仍依已得指揮將通判買馬酬賞推
給又有西和州茶場監官一員緣極邊無賞文臣不願就本司止
差小使臣權攝多不辦事契勘本處收支買馬錢銀茶絹動計數
百萬全藉廉勤諳曉錢穀官管幹欲乞從本司於文武四選通辟
許依關外四州合得邊賞外如任滿錢物無欺獎乞減二年磨勘
選人循一資庶幾有以激勸率皆效職從之
六月五日宰執進呈殿前司使臣李師勣押馬倒斃之數虞允文

奏曰自蜀至漢陽止寄留二匹自漢陽至此皆平路却死損幾半
見存者皆瘦瘠不堪乞重作行遣上曰宜從重典仍先令殿前司
取問因依梁克家因奏李舜舉昨有劄子云取馬軍兵多東南新
募之人不諳馬惟性今後取馬乞於效用內選差臣未以為然蓋
取馬類有賞舜舉所云殆為效用轉資之地上曰然允文奏曰臣
昨舜舉言今後取馬不如差闕馬官兵自往馬既着脚自然護惜
不致損斃舜舉亦以為然上曰極是前未有講論及此者部押使
使臣亦須差訓練官以上庶幾軍校有所畏憚則沿路不敢怠於
芻秣矣允文奏曰俟招三衙與之議定別議指揮進呈上曰甚善
上同
九年二月二十一日樞密院奏勘會四川茶馬司起發到三衙網
馬赴行在並經由承旨司審驗所有江上諸軍理宜措置詔令總
領所遇網馬到並須審驗格尺齒歲老病患低小數目申奏上同
二十三日樞密院奏所置漢陽軍收發馬監遇茶馬司發到網馬

並許歇泊一月將肥壯無病者排發其病患瘦瘠者責令看養醫
治令到監日久病患瘦瘠者甚多未堪發却有續到者各有臆分
亦無病患顯是本監提轄有失督責已降指揮委鄂州都統漢陽
知軍同行提點竊恐都統制軍務疎重漢陽知軍權頗輕難以責
辦理宜措置詔更令湖北漕臣每旬輪次到監提督依立定格式
每旬與見今提督領提點提轄官連銜具申樞密院仍關牒茶馬
司照會施行同
三月十四日樞密院奏勘會四川茶馬司近來排發網馬到監比
之每歲其斃數多竊所差使仍臣不行精選理宜措置詔令三衙
并江上諸軍取馬使臣並差七人衙官軍兵十將以上人充令茶
馬司先次排定網分預行關報諸軍指期差人取押無致擁併積
壅留滯各具知稟聞奏同
十七日四川宣撫使虞允文奏據都大茶馬司申自減罷提點網
馬驛程官後所發馬網在路斃端百出委於馬政有害不敢盡復

天申
疑有誤
天中

損


也	江	七	在	轄	將	官	孝	並	川	十	從	令	內
一	府	年	二	網	見	每	宗	可	宣	一	之	提	乞
員	一	正	員	馬	任	至	乾	自	撫	月	冏	點	差
於	員	月	亦	驛	并	州	道	乾	司	十		驛	二
撫	於	十	依	程	差	縣	二	道	茶	九		程	員
州	於	三	今	六	下	以	年	十	馬	日		仍	一
置	於	日	來	字	人	點	四	年	司	詔		乞	員
解	於	詔	指	欲	罷	檢	月	為	文	恭		許	自
字	於	復	揮	為	專	為	十	始	州	奉		從	成
從	於	置	施	望	委	名	二	免	許	太		本	都
權	於	廣	行	特	逐	百	日	進	進	上		司	府
發	於	西	從	降	州	端	臣	提	外	皇		踏	至
遣	於	路	之	睿	通	搔	僚	點	其	帝		逐	興
靜	於	提	冏	旨	判	擾	言	網	餘	聖		申	元
江	於	點		將	無	虛	四	馬	殿	旨		宣	府
府	於	網		廣	通	費	川	驛	前	每		撫	一
兼	於	馬		南	判	生	茶	程	馬	年		司	員
提	於	驛		西	委	事	馬	上	步	進		差	自
舉	於	程		路	以	有	司		司	奉		辟	興
買	於	二		自	次	擯	提		并	天		欲	元
馬	於	員		靜	官	無	點		諸	申		望	府
李	於	一		江	內	益	網		路	節		降	至
浩	於	員		府	帶	已	馬		都	馬		旨	漢
請	於	於		至	入	得	驛		統	除		施	陽
	於	靜		行	提	旨	程		制	四		行	軍

臣	九	在	漢	詔	以上
以	年	提	陽	復	上
上	三	點	軍	置	諸
諸	月	綱	二	漢	曉
曉	十	馬	員	陽	馬
馬	四	驛	令	軍	政
政	日	程	茶	至	人
政	四	三	馬	行	充
人	日	員	司	在	要
充	四	已	辟	提	上
要	日	降	差	綱	職
上	川	指	所	馬	道
職	宣	揮	有	驛	會
道	撫	復	漢	程	
會	使	置	陽	官	
	虞	成	軍	一	
	允	都	至	員	
	文	府	行	令	
	言	至	在	樞	
	勅	興	一	密	
	會	元	員	院	
	四	府	亦	選	
	川	與	合	差	
	茶	元	差	大	
	馬	興	置	使	
	司	元			
	至	至			
	行	行			

職道會

川

子



書

